

太原府志卷二十三

古蹟

古人已往勝蹟猶留或以人傳或以地著千百載後徘徊瞻眺即目前之所見以證諸故籍之所垂是亦考古之一快也第時代既遠疑信相參今即通志及舊志所載者採而錄之至于委巷流傳不無傳會然其來已久事近乎理者則亦仍之而已志古蹟

陽曲縣

三交城西北十五里晉大夫竇鳴犢城也址存宋陸游老學菴筆記太平興國四年平太原降為并州廢舊城徙州於榆次今太原又非榆次乃三交城也在舊城東北三十里本名故軍又嘗為唐明鎮

太原府志

卷二十三

古蹟

一

大孟城東北八十里晉祁氏邑後分為七大孟其一也漢為縣後魏曰大祁城

狼孟城北六十里漢地理志太原有狼孟縣莽曰狼調舊斷澗為城今名黃頭寨綱目秦伐趙取狼孟番吾遇李牧而還集覽狼孟縣名屬太原郡故城在陽曲縣

汾陽城西七十里漢為汾陽縣顏師古注隋文帝自以姓楊故惡陽曲之號改為陽直唐復舊名綱目據實隋改縣曰陽直又徙治汾陽故城改曰汾陽唐於故陽曲城置汾陽縣尋改今名

洛陰城東北六十里北魏地形志陽曲有羅陰城隋洛陰府之地又名洛陰縣唐初名洛陰縣後省今名羅陰村有仁壽中修寺碑驃騎將軍王整所立

木井城東北七十里鄭村南社卽故汾陽縣也又名故縣城

古角城在貢院供給所左

古城西北七里蹟存

蔚州僑郡舊唐書地理志武德六年置蔚州寄治并州陽曲縣仍置靈邱飛狐二縣

燕然故縣唐貞觀六年以蘇農部落置燕然縣隸順州八年僑治陽曲十七年省

陽曲故縣城東六十五里石城都舊唐志武德七年省陽直縣改汾陽爲陽曲縣仍移治陽直廢縣

故孟縣隋志分陽直縣置大業初廢

晉文公廟故址宋陸游筆記唐明鎮有晉文公廟甚盛平

太原府志

卷二十三

古蹟

二

太原後潘美奏乞爲并州從之以廟址爲州治

陽曲川北三十里北齊神武帝建牙於此隋地理志有陽曲澤

唐監牧唐置以牧馬

造墨塲金地理志太原府有造墨塲

石室北魏風土記太原郡山有石室方丈四壁文字篆書人尠能識

楊廣道西北六十里天門關東北崖隋煬帝爲晉王時所開道因名

狄梁公故里今狄村慈觀寺有碑記

栢堂舊府城內唐北平王馬燧建

寇庄南六里相傳宋相寇萊公別墅今官塲花園土地廟

遺址尚存

柳溪西一里汾堤之東宋天禧中陳堯佐知并州因汾水  
屢漲爲築堤周五里引汾水注之旁植柳萬株中有枋  
華堂堂後通芙蓉洲堤上有彤霞閣每歲上巳太守泛  
舟郡人遊觀焉久圯於水斷碑尚存按彤霞閣陳堯佐  
建枋華堂宋韓絳韓縝相繼守太原時建李清臣作碑  
記又有四照亭水心亭

雁邱元遺山雁邱辭序泰和乙丑遺山赴試并州道逢捕  
雁者捕得二雁一死一脫網去其脫網者空中盤旋哀  
鳴良久亦投地死遺山遂以金贖二雁瘞汾水傍壘石  
爲識號曰雁邱因賦此詞同行蒲溪楊正卿果樂城李  
仁卿治和之詞注雁邱在今太原府陽曲縣事見輿圖

太原府志

卷二十三

古蹟

三

備考

籌邊樓 府治內宋端明殿學士馮京守太原時建

愛月亭 府治東宋馮京守太原時建

安武堂 縣治西下臨汾河宋時春秋仲月闔武於此

良宴亭 府城東宋時建以宴客

西景園 明晉藩園在廢府西北隅

西園 明靖安王園

桂子園 城東南隅布政王道行別業有桂數株日觴咏其  
間有桂子園集行世後爲明宗藩河東王所得更名金  
粟今爲梵宇俗名小五臺

雄風樓 明寧河王建王明甫有詩

作霖樓 都察院後

唱經樓布政司前

坤德閣橋頭街觀音堂前

顯靈閣大盈倉內

浩然臺在東關延壽寺後上有楊宗氣元好問詩

鎮河樓舊在水西關真武廟後有樓二楹相傳樓下有鐵

牛二

鑛鐵坑旗纛廟東相傳掘地則鐵陷明初焦駙馬都尉嘗

製刀甚利後置旗纛廟內風雨爲災復入坑

水窖舊在開平王廟後巡撫李某創建蓋遵周禮之制節

宣陰陽也今移晉廢府

古漆井小彌陀寺西相傳未有寺先有井內無軋痕故名

石家茹峭壁一崖汾水環流地廣四十畝俗傳王將軍避

太原府志

卷二十三

古蹟

四

兵地有早種晚收遺種

試斧石天門關凌井溝內類斧劈痕上有楊美益詩

丹井晉廢府東城門內味極清冽府有藥名金棗丹治疾

甚驗惟用此水

辟蠅木烈石廟殿神龕內色類沉香相傳辟蠅

寶賢堂石刻舊在晉府今移入三立祠明晉世子奇源集

古法帖序云取淳化諸帖並我朝以書名者十數家擇

其尤者摹勒上石釐爲十二卷戴令夢熊跋石經亂不

全

國朝順治間郡守宗得於斷壁頽垣者二十餘塊後巡撫

覺羅石麟訪求藏本舊搨鈎勒上石計補二十餘塊而

全帖以完

宋太宗書庫碑在壽寧教寺大中祥符四年真宗御書勒石

宋并州新修廟學碑至和元年知并州魏國公韓琦建廟接記

金府學廟碑明昌二年翰林修撰趙淵撰記云天會九年

耶律公資讓建正隆初完顏宗憲繕完大定丙午亞尹張公子衍漕貳楊公伯元立建賢堂於兩廡間明昌二

年張公大節尹太原撤故就新規模大備

金英濟侯感應碑烈石祠前大定二年縣令史純撰文

元英濟侯碑至正中冀寧牧搭海帖木兒樹碑

大古碑崇善寺西井樓南高丈許廣七尺螭首五尺今卧土中

太原府志 卷二十三 古蹟

五

透玲碑烈石廟光瑩照人俗名透玲

聖廟嶺東萊村有先師廟一座不知建於何代明通判郭

崇有碑記通志府志俱遺今照縣志補入

真金佛祠凌井溝內峭壁上舊傳有真金佛一尊後被人

易去

太原縣

晉陽城縣治北里許故唐國也周封叔虞曰唐至子燮父

以有晉水更號晉一名唐城智伯引水灌之不浸者三

版晉刺史劉琨展築中有三城一曰大明城董安于築

北齊置大明宮其一東魏靜帝置晉陽宮隋更名新城

其一開皇十六年築名倉城又汾河東岸曰東城貞觀

十一年長史李勣築德宗時引晉水架汾瀦為東隍省

守埤萬人又醜汾水環城植柳固堤建中四年節度馬燧亦引晉水架汾至城東爲池武后時長史崔神慶以二城隔汾乃於其間跨水聯堞合而一之名曰中城宋太祖御城受劉繼元降始隳其城又西堞外有羅城以禦西山之水俗名長龍城其近有羅城鎮按晉陽唐爲北都有留守宋太平興國四年平太原議者謂宋興歸德爲商星分野太原參星分野昔高辛氏二子不相能故自古參商不相見國家盛則後服衰則先叛不宜列以方鎮乃下詔毀其城改爲平晉縣以榆次爲并州徙太原民於唐明鎮縱火焚太原廬舍老幼趨城門不及焚死者甚衆金元好問過晉陽故城詩曰汾流決入大夏門府治移著唐明村又曰東闕蒼龍西白虎金雀觚

太原府志

卷二十三

古蹟

六

稜上雲雨不論民居與官府仙佛所廬餘百所鬼役天財千萬古爭教一炬成焦土又曰萬夫畚插開連岡官街十字改丁字

唐城晉陽縣北二里都城記堯所築

二陵城北魏志太原郡長安縣有二陵城

三角城西北二十里義井村一名徒人城又名胡提城趙襄子所築以處刑徒內置郤敵外安龍尾爲三面故名三角城址存北魏志太原郡長安縣有三角城

平晉故城東北二十里高一丈三尺周四里餘內有故碑字多剝落宋置永利監於此

王陵城汾水東舊縣東北鄭村今名黃陵村

長安故縣北魏志泰常二年置真君中省景明初復

龍山故縣隋志後齊置大業十年改爲晉陽陽真故縣隋志開皇十年置大業初省入太原

潛邱爾雅晉有潛邱在太原縣東南八里舊城內長四千三百三十一步廣三千一百二十二步周萬五千一百五十三步高四丈相傳宋修惠明寺浮圖陶土爲瓦用唐地理志都城左汾右晉潛邱在中

臺駘澤南十里晉水下流滙爲澤廣二十里今爲汾水所沒盡爲民田旁有昌寧公廟卽臺駘神

晉祠西南懸瓮山麓晉水發源處魏地形志晉陽有晉王祠昔智伯邊水灌晉陽後人因之蓄爲池沼建祠水側結飛梁於池上北齊天保中大興營建遂爲北都北史後主天統五年改爲大崇皇寺唐高祖舉義師禱於此

太原府志

卷二十三

古蹟

七

太宗親製碑文仍名晉祠晉天福六年封興安王宋天聖間改封汾東王又建女郎祠於水源之西元至元間重修汝陽弋穀撰記云祠西山上有望川亭祠中兩泉北曰善利南曰難老皆作亭蔽之祠南大池西岸有流盃池池上曰均福堂堂後曰仁智軒其南曰湧雪亭池中島上曰清華堂亭曰環翠邦人歲時行樂者甚衆明改稱唐叔虞祠嘉靖天啟間俱重修有碑記

晉陽宮故唐城內春秋時董安子理晉陽公官卽此東魏武定三年高歡言并州軍器所聚動須女功請置宮以處配沒之口於是置晉陽宮齊天保中置大明宮宮內建宣光建始嘉福仁壽宣德崇德大明七殿德陽萬壽二堂北有元德門又北有元武樓樓下有門通城外隋

唐踵事增華址微存唐地理志晉陽宮在都之西北宮城周二千五百二十步崇四丈八尺都城左汾右晉五朝志太原有晉陽宮

**大明宮**北齊書天統初世祖在晉陽既居舊殿少主未有別所詔給事黃門侍郎馮子琮監造大明宮宮成世祖親自巡幸怪其不甚宏麗子琮對曰至尊幼年纂承大業欲令敦行節儉以示萬邦兼此北連天關不宜過復崇峻世祖稱善

**德陽堂**北齊建

**宣德殿**北齊建

**大明殿**齊後主以晉陽大明殿成大赦文武百官進二級免并州太原一郡來年租

太原府志

卷二十三

古蹟

八

**崇德殿**北齊建

**內殿**天保元年冬十月帝御金輅入晉陽宮朝皇太后於內殿

**南宮**齊大寧元年冬十一月武成帝卽位於南宮

十二院後主於晉陽起十二院壯麗踰鄴下

**五龍門**武平七年後主夜斬五龍門而出

**清華堂**西南十里晉祠池上北齊天保中建

**避暑宮**西南三十里北齊神武帝避暑處俗稱皇家宅明

周文端經題天龍洞詩齊主宮存避暑基縣志避暑宮

有二一在蒙山上世傳劉薛王避暑寨一在天龍山東

址存又葦谷山有避暑宮齊天保二年建後賜名仙巖

寺



寶墨堂在晉祠齊天保中建

栢堂文宣帝避暑宮

雙堂在東城北魏太原公高洋第

號令堂汾水東舊晉陽縣唐高祖誓義師於此

起義堂唐地理志宮城東有起義堂張燕公作頌

受瑞壇唐高祖舉義兵使子元吉留守獲瑞石有文曰李

淵萬吉因築壇祀以少牢唐地理志倉城中有受瑞壇

乾陽樓貞元十一年太原監軍王定遠謀殺節度使李自

良不克走登乾陽樓夜墜城逸

飛閣唐地理志西北十五里有飛閣顯慶五年築

講武臺縣西北唐顯慶間築

勤政閣十國春秋北漢少主劉繼恩寢處居勤政閣

太原府志

卷二十三

古蹟

九

資聖院統平殿宋皇佑五年奉安太宗御容於此禮志太

宗取劉繼元於并州是太平之統也卽崇聖寺殿名曰

統平以奉太宗嘉祐元年統平殿災諫官范鎮言并州

素無火災自建神御殿未幾而輒焚天意若曰祖宗御

容非郡國所宜奉安者近聞下并州復加崇建是徒事

土木重困民力非所以答天意也自并州平七十七年

故城父老不入新城宜寬其賦輸緩其徭役以除其患

使河東之民不忘太宗之德則陛下孝思豈特建一神

御殿比哉

上黨坊齊文宣帝將受禪時訛言上黨出聖人帝聞之將

徙一郡郡人張思進上言殿下生於南宮坊名上黨卽

是上黨出聖人帝悅而止

并州邸天保七年後主母胡皇后生後主於并州邸

丞相第東魏孝靜皇后高氏興和初以后駕迎於晉陽之丞相第北魏志永昌中置大丞相府

尚書府後主天統五年夏四月詔以并州尚書省爲大基聖寺

六府後周武帝建德六年幸并州廢并州宮及六府難老泉亭北齊天保中建明嘉靖時重建

善利泉亭天保中建明正德初廢嘉靖時重建

望川亭晉祠懸甕山明高汝行重建撰記云亭建天保中址微存鄉人名爲大亭臺嘉靖二十七年復建三楹其下仍顏曰望川

王太原宅北魏王椿於宅構起廳事極爲高壯時人忽云

太原府志

卷二十三

古蹟

十

此乃太原王宅豈是王太原宅椿往爲本郡太守世皆呼爲王太原未幾爾朱榮居椿之宅榮封太原王焉

敬德別墅西南八里奉聖寺內有遺像

百樂州唐李暉鎮太原與李商隱孫逖遊於百樂州逖爲之記文士盛稱之

龍泉亭舊唐書盧簡求子汝弼爲河東節度副使府有龍泉亭簡求節制時手書詩一章在亭之西壁汝弼復爲亞帥每亭中讌集未嘗居賓位西向俯首而已

龍泉池晉水池唐白香山有和裴令公上巳日遊龍泉池詩又和令公開龍泉晉水二池詩笙歌聞四面樓閣在中央

山亭舊府西城上唐張宏靖爲太原節度使有山亭懷古

詩曰叢石依古城懸泉灑清池判官韓察高銖副使崔  
恭掌記崔公信及陸瀍胡証張賈胥有和詩刻石

偃松坊唐薛能并州詩坊號偃松人在否餅爐南畔曲西  
頭

太原府廨十國春秋北漢睿宗故執事百司宿衛皆在太  
原府廨

沙河門樓宋史太平興國四年以榆次縣爲新并州築新  
城上幸城北御沙河門樓盡徙餘民於新城以行宮爲  
平晉寺

環翠亭晉祠池島上冬夏有翠草名長生蘋

御駕橋西北二里智伯橋上世傳齊帝避暑蒙山建

赤橋西南七里智伯渠上初名豫讓橋宋太祖鑿卧虎山

太原府志

卷二十三

古蹟

十一

血流成河更名

家馬廐漢地理志有家馬官後改曰捫馬師古曰捫音動  
御井西南十里近晉祠相傳宋太祖飲馬於此

九龍井北三里金皇統八年碑云人有病飲之卽愈洗目

卽明

烈女井北十里元武氏女管嬰殉節於此

蟾酥池西南五里賢輔鄉元時採辦今涸

晉祠金人蘇惟霖遊晉祠記殿前壘石爲方臺周遭四金  
人怒而立其三皆宋紹聖二十五年物相傳其一出亡

爲明宏治間補立

晉溪園劉龍紫巖集王晉溪太宰卜築於晉祠水邊甚爲  
佳勝乃自綏德謫所以書來乞詩自謂兒輩近爲我營

一供老之所池館之間賸植花竹稻畦蒲沚煙雪瀰漫  
極目頗得秀潤閑雅之趣縉紳多爲詠題不宜獨闕乃  
疊韻以四律復之

太原成王碑魏土地記城東汾水南流有晉使持節都督  
并州諸軍事鎮北大將軍太原成王之碑

北魏彭城太妃墓誌石北十五里石堂頭村北齊神武帝  
妃爾朱榮女

北魏左武烈墓碑北三十里井谷村碑云名深字洪貴南  
陽人雍州刺史封武陽侯贈司空諡武烈蓋高歡別將  
定國寺碑并州定國寺新成齊神武謂陳元康溫子昇曰  
昔作芒山寺碑文時稱絕妙今定國寺碑當使誰作辭  
也元康薦祖瑛才學乃給筆札就禁所具草二日內成  
太原府志

卷二十三

古蹟

三

其文甚麗神武以其工而且速特恕罪不問

隋天龍寺石室銘開皇四年刻石

隋楊忠碑縣西五里蒙山下隋文帝父嘗爲周將伐齊有  
功立碑

晉祠碑銘唐貞觀二十一年太宗御製碑文及銘碑陰列  
長孫无忌蕭瑀李勣張亮李道宗楊師道馬周銜名

唐尉遲敬善墓誌石鄂國公從弟明嘉靖初墓發誌石貯  
縣庫內

夫子廟堂碑在儒學顏真卿書

唐新松記碑在晉祠顏顛書

宸辰台衡二銘碑馬燧平河中帝賜宸辰台衡二銘勒石  
起義堂帝榜其額以寵之

後唐招討使李存進墓碑夏鄉鄭村東原同光二年御史中丞呂夢奇撰太子校書梁邕書

後晉重修蒙山開化莊嚴閣碑學士蘇禹珪撰文大晉開運二年七月十三日興邦佐命忠力保定功臣北京留守河東節度管內觀察處置等使北面行營都統開府儀同三司檢校太師兼中書令行太原尹上柱國北平王食邑一萬三千戶實食封二千二百戶劉智遠立石

後晉史匡翰神道碑東北三十里皇陵村天福七年立知制誥陶穀撰朝散大夫太府卿開光遠奉勅書云大晉義成軍節度使駙馬都尉餘剝落

北漢劉氏墓額西南三十里天龍谷中其額有大漢英武皇帝園陵八字明宏治間爲寺僧所毀今存石香亭

太原府志

卷二十三

古蹟

三

天龍寺千佛樓碑北漢光運二年尚書左僕射李宣撰

宋修晉祠碑太平興國九年甲申五月丁丑朔將仕郎尚書職方員外郎趙昌言奉勅撰翰林待詔中大夫司農少卿賜緋魚袋張仁慶奉勅書

宋崇聖寺碑銘縣東十里舊寨後并州宣撫使韓絳撰元豐八年立明宏治十四年七月碑吼三日夜一夕汾水漲沒

宋惠明寺舍利塔碑河東路安撫使呂惠卿撰元豐八年建

宋邢昺墓詩碑西南十里晉祠奉聖院南原上有宋相寇準文彥博陳堯佐范仲淹等十四人所贈詩碑在陽曲縣天慶觀中

宋三聖堂銘明仙寺河東路安撫使呂惠卿撰元豐八年八月十三日建

宋重修昌寧公廟碑即汾水川祠員外郎張禹錫撰

宋明仙寺詩碣宋蘇過書

宋重廣水利碑太谷令公乘良弼撰嘉祐八年二月初五日立石

遼太宗聖德神功碑遼史天顯十一年遼太宗授太原大敗張敬達兵築京觀於汾水上立碑晉高祖詔桑維翰撰文

金重修九龍廟碑晉陽故城北郭大定十六年歲次丙申八月望日古并州崔昱書丹

金平晉縣建賢堂碑郝鍾撰

太原府志

卷二十三

古蹟

古

元重修晉祠碑河東山西道廉訪司僉事王思誠撰

元昊天觀重刊全真庵碑道士宋德芳撰

元開化寺雪峰道行碑在蒙山王好古撰文

元長春觀碑在南城角延祐元年翰林學士陳儼撰文

西山石篆風谷山岩石上鑱字云立一箭卧一箭金鍋耳子露一半溝之南道之北一輛金車露枝輻

重修晉祠廟碑明茂彪撰

王御史墓碑明何喬新撰

清水河修橋碑明高堅撰

柳子峪修石橋碑明李壽昌撰

東莊修道碑明高汝行撰

重修淨明寺碑明王士撰

代祀晉源神祠記明祝顥撰

王氏先塋碑明李東陽撰

重修真武廟碑記明孫緯撰

重修清跨樓碑高若岐撰

大寺村修沙河援洞道碑高若岐撰

榆次縣

中都城東十五里左傳昭公二年晉侯執陳無宇於中都  
即此漢置縣隋志後齊曰中都開皇中改名榆次

榆次故城城北週二十一里漢築址存水經注故塗水鄉  
晉大夫智徐吾邑春秋昭公八年石言於晉魏榆服虔  
曰魏晉邑也榆州里名也漢書曰榆次十三州志曰塗  
陽莽曰太原亭

太原府志

卷二十三

古蹟

十五

武觀城西南二十里陳侃村一名武館城盧諶征艱賦經  
武館之故郭問厥塗之遠近水經注洞渦水至武觀城  
而北

信都城東十八里宋圖經縣東鄉嘗名信都即今來暮鄉  
鑿臺南五里郭村史記殺智伯瑤於鑿臺之下即此後為  
源渦水所沒址微存一曰鑿壺

廢臺東五十里張平村魏土地記冉閔為并州刺史嘗置  
臺壁以禦秦寇

瞭馬臺北十里聶村

孟母故宅古城西南隅相傳有三徙鄉又學宮東舊有孟  
母廟廟前有斷機堂址存

長寧壁東南十里後魏李長寧居此改長寧寨

區堂壁東南三十里後魏傳區堂居此改福堂寨

思鳳亭縣治內晉荀藐為令鳳集其境宋天聖中文彥博署縣事因以名亭後改思鳳樓

後漢高祖故里五代史劉智遠其先沙陀部人其後世居於太原相傳唐中和初徙榆次左付里

昭聖李后故里縣治西北五代史漢高祖牧馬晉陽夜入其家劫取之相傳榆次鳴李村人

土井西北二十里鳴李村後相傳漢昭聖后徵時汲水灌麻麻池蹟存

思政堂縣治東宋宣和二年縣令李諒建有記

金家樓縣治北元至正未有金元帥駐此起樓臺臺址存鐵冶北三十里寺谷村有鐵礦宋置冶址微存

太原府志 卷二十三 古蹟 六

龐涓洞北二十五里蘇村南澗河涯相傳龐涓嘗寓此習兵法又有馬城坡在縣北十五里

梁杜何拔墓誌銘鹿蹄山西北八里大統缺年八月二十一日按大統係西魏年號而杜為梁人或梁亡入魏葬此

唐贈太保李良臣墓碑李宗閔撰楊正書長慶二年立國朝朱彝尊三唐碑跋云三碑俱在趙村距縣三十里

唐安定王李光進墓碑令狐楚撰子季元書元和間立唐太尉李光顏墓碑李程撰郭虔書

元杜懷玉墓誌銘中社村西南半里平晉令任璟明撰文至正四年五月立石

元康庸墓碑龍缺村北十里許墓前題曰平晉縣尹兼管



本縣奧魯勸農事康庸之墓

採風亭城北邑厲壇東明知縣俞鸞建環堦植檜栢  
勸農亭南門外亦俞鸞所建今二亭俱廢植栢亦盡唯址  
存焉

### 太谷縣

陽邑城東十五里故縣治也晉大夫陽處父食邑今名王  
班堡內有九級浮圖後周建德四年徙今治開皇十八  
年改名太谷城址微存

箕城東三十五里左傳僖公時晉敗狄於箕杜預註太原  
陽邑縣南有箕城

洛漠城西北十五里周八里城塚記秦王翦伐趙所築寔  
宇記謂之蘿磨亭唐元宗幸太原嘗置永豐頓立青城

### 太原府志

#### 卷二十三

古蹟

十七

宮金大定中改爲登豐村地有吳塚

長城東南八十里馬嶺上唐地理志自平城至魯口沿山  
屈曲延三百里武德二年築貞觀元年廢今屬榆社縣  
翰墨全書堯遭洪水命伯鯀築堤障之非秦長城也

咸陽城西南七里周四百五十步相傳秦伐趙所築戍以  
咸陽兵今咸陽村

趙簡溝縣東十里神奉村

副井城西南七里副井村側周二里相傳趙戍地

穰人城方輿圖在東北二十九里

故太州舊唐志武德三年以太谷祁置太州六年廢

青城宮在洛漠城唐明皇幸太原時建

寧靜府縣治東唐貞觀中建府兵所居今廢

萬年頓西北十里舊名龍泉頓晉陽記開元十年幸太原次龍泉頓時北都留守杜暹奏曰龍泉地主姓唐名萬年字表天長頓符國號改爲萬年頓帝從之

鳳洲亭縣南鳳凰山下引耐泉爲池中植菱荷上有亭

唐太谷縣令安廷堅美政頌碑郭子章豫章書高氏唐房璘妻也筆畫迥麗不似婦人歐公云余集錄已博矣婦人筆畫著於金石者高氏一人而已余入晉中搨得高氏碑二通宛然二王書法一太谷縣令安廷堅美政頌一交城縣石壁寺鐵彌勒像頌按房璘常爲太原府叅軍

金奉訓大夫京兆府咸寧縣令冀天寵墓表東三十里白念都西北猗氏主簿郭天麟撰文大定二十五年歲次

太原府志 卷二十三 古蹟 六

乙巳二月乙卯朔十三日丙寅立石

元重修宣聖廟碑大德中翰林編修呼延伯起撰文

元宣德郎李壽之墓誌銘太原路教授李之芳撰

祁縣

昭餘池縣志昭餘祁考周職方氏并州澤藪曰昭餘祁晉賜大夫奚食邑昭餘祁與焉因以爲氏一統志稱昭餘祁在縣東南七里祁城村澤久涸元至元十一年土人鑿得細水爲昭餘池歲溉民田旁建成湯廟漢地理志太原鄆縣九澤在北是爲昭餘祁并州藪

祁城有二一在東南十五里爲古祁氏邑今故縣上下二村是也一在東南七里晉祁侯李熹所築後魏徙今治址存北魏志祁縣有祁城

部城西南七里左傳晉絕秦書焚我箕部今爲高城村址  
微存按祁縣離秦邊千里秦兵豈遽能至此然陽邑箕  
城其說已久箕部庸或接壤

趙襄子城西北八里圖志趙襄子所築又北魏志祁縣有  
趙襄子城

秃髮城東北十五里相傳秃髮烏孤築今大賈村按秃髮  
僞檀子源賀爲魏太尉或築此

隆舟城東南三十里卽隆州故城圖志五代時劉繼元築  
以拒周河東記宋太平興國四年克嵐州因次隆州有  
遺址在今團栢鎮之東

沙城西五里相傳後燕慕容垂築址存縣志有沙城斷碑  
按圖志趙襄子寔經厥始舊有遺碑羅者於此獲一鴈

太原府志

卷二十三

古蹟

九

俄一鴈墮翮據碑哀鳴淚血成石華鴈死碑斷

楊六郎城東南二十五里落陽村址存

古耆國縣志祁邑源流考炎帝姓伊耆氏蓋以初國伊繼  
國耆也黃帝之子得姓者十四人而祁爲首帝堯生於

丹陵徙於祁故亦姓伊耆左國史鑑竹書開山等書僉  
同伊祈祁本一字今祁北四十里堯城南五十里平陶  
俱稱帝堯始封地相傳縣東六支村有帝行宮

賈令鎮北十五里晉賈辛爲祁大夫民德之故名今鎮北  
有名憩亭

晉舅犯故里相傳在縣北三里

幘州故址東三十里金史貞祐中尚書左丞胥鼎議於縣  
東團栢鎮置幘州縣屬之尋廢

義井城東南察院巷元義門溫義之井

麓臺銘在麓臺山宋大學士張商英撰

李淳風墓碑墓在白圭鎮驛堂前明嘉靖間地塌出小碑

云吾是唐朝一地仙五百年前一見天上覆徐州王大

尹將予葬在白圭南因移葬白圭之南

天聖鐘縣治大門譙樓宋天聖二年造高四尺圍一丈二

尺

徐溝縣

梗陽鄉戰國策周倭以西周善於秦而封於梗陽史記索

隱注榆次有梗陽鄉榆次志西南六十里為徐溝而梗

陽鄉在西南九十里應入徐溝

徐溝鎮金置本隸清源縣大定二十九年升為縣

太原府志

卷二十三

古蹟

三

同戈驛縣北其名本取洞渦水新唐志太原郡有府十八

其一名曰洞渦舊唐書昭宗紀天復元年四月氏叔琮

營於洞渦驛明韓邦奇河戈懷古詩英俊同戈地隋唐

百戰秋

清源鄉

附

梗陽城南一百二十步周六里左傳中行獻子見梗陽之

巫臯又魏獻子以魏戎為梗陽大夫綱目秦攻趙拔梗

陽趙世家注晉陽縣南梗陽城也括地志梗陽故城在

并州清源南百二十步析晉陽縣置本漢榆次縣地

涂陽城南二十里晉祁氏邑魏獻子以智徐吾為涂水大

夫今名屠賈村

陶唐城東南三十里相傳陶唐氏自涿鹿徙居此又云陶

唐造歷之所今名堯城

印駒城西南二十里漢文帝於交城置牧地築此城以印駒因名

鵝城東南二十里晉書永嘉元年洛陽地陷有二鵝蒼者飛去白者止此劉曜以為已瑞築城應之

清源故縣隋志開皇十六年析晉陽縣置大業初省入焉淨修閣在高白鎮明成化中以處子終閣東南有孝感樓

交城縣

大陵城西南十里前隸文水後割土安都易之因隸交城史記趙肅侯遊大陵出於鹿門大戊午諫曰耕事方急一日不作百日不食肅侯下車謝又武靈王遊大陵夢

太原府志

卷二十三 古蹟

三

處女鼓瑟而歌漢地理志

大陵有鐵官莽曰大寧

古交城東北九十里河北都故交村汾孔二河交流故名隋交城縣在其西唐長史王及善徙縣治於南山却波村

馬蘭城北九十里孔河之下即今馬蘭村漢魏北齊嘗為牧地

萬根谷下有石墟魏孝文避暑之所見一統志

下馬城北一百六十里靜樂界相傳魏孝文下馬於此

榆城西北一百三十里文谷水上地多榆

盧川故縣東北七十里盧峪口唐先天元年分置盧川縣於交城故地開元二年省

大通鐵冶西北八十里西冶村即大通監也一名西冶舊

設都提舉司鐵冶所巡檢元昔里改牙有大通冶辨  
甘露壇魏太和唐貞元元和間甘露屢降於石壁山唐李  
逢吉石壁禪寺甘露義壇碑云我唐三壇角於三都西  
都曰靈感壇東都曰會善壇北都曰甘露壇壇在府之  
交城縣石壁寺

武威公舊莊武威公王茂元也唐李商隱有過舊莊感事  
詩信陵亭館接郊畿幽象遙通晉水祠

陀羅尼石幢唐貞元元和間物今存

唐石壁寺鐵彌勒像頌碑林諤撰文開元二十九年歲在  
辛巳六月庚辰朔二十四日癸卯建

唐甘露義壇碑李逢吉撰文貞元中河東節度觀察使禮  
部尚書北都留守太原尹李說樹碑

太原府志

卷二十三

古蹟

三

唐造華嚴三會普光明殿功德碑支高撰文貞元十六年  
歲在庚辰四月己巳朔十日戊寅禮部尚書兼御史大  
夫太原尹李說建

唐高氏鐵彌勒像頌碑宋歐陽公云余入晉中搆得高氏  
碑二通一交城縣石壁寺鐵彌勒像頌金趙點題石壁  
詩更看高氏字祇與衛華同

趙襄子墓碑西北隅宋大通監判李隨撰

元謝將軍仲溫墓碑郝忠恕書至正十一年立

文水縣

平陶城西南二十五里堯爲唐侯時都此漢爲縣隸太原  
郡後魏改名平遙後徙治京陵今縣平陶都乃故城也

柵城北二十里舊傳魏武帝築以備寇當文峪口卽今照

柵城唐志有柵城渠

大干城南十里圖經云劉淵築令兄延年居之時人謂兄爲阿干故名

古文水城東十里今名舊縣地後魏有文水城隋唐因之宋元符間圯於水徙治章多里

雲州城東四十里後魏築永熙中寄治并州界今名雲州村

受陽故縣北魏置隋志開皇十年改州南受陽縣爲文水武興故縣舊唐志天授元年改文水爲武興以天后鄉里

與太原晉陽並爲京縣

子夏室子夏遊憩商山山一名子夏山隈有隱堂洞洞內一窟廣丈餘名子夏室

太原府志

卷二十三

古蹟

三

攀龍臺荊州都督武士護墓也武后追封周高祖墓名攀龍臺勅李嶠撰記

武媚娘故里縣志王秉乘文水道中詩文水流何細媚山艷未收注云山下有武媚娘故里

武潞泊南二十里唐天授二年改名朱雀泊溪亭宋河東提刑張商英詩二首有云林檎園北小橋南

水綠山清不易兼

石峽藏書城西二十五里石峽山洞中舊藏陶淵明白蓮社文金剛科儀等書

唐泌水碑北五里龍泉村虞世南撰并書字多剝落宋勅賜崇勝禪院碑康定元年五月初七日立石

元左丞相梁錦陽墓碑翰林學士揭傒斯撰文在李端鎮

墓前

元戶部尚書王雲墓碑雲周村西翰林學士歐陽元撰文  
元重修廟學碑至正十四年春三月翰林待制奉議大夫  
兼國史院編修官郝忠恕撰文

岢嵐州

長城城北五十里俗名長城梁舊志蒙恬築一云趙武靈  
王築明嘉靖間得石刻云隋開皇元年贊皇縣丁夫築  
蘇孤戍東三十里北齊築城東北隅沒於水今名三角村  
安元城西五里梁家會址存

嵐谷故城州西五里唐長安三年析宜芳於岢嵐舊軍置  
神龍二年省開元十二年復置

新州城北五十里天窰口址存

太原府志

卷二十三

古蹟

二十六

御筆手詔宋徽宗時有瑞鶴之應頒詔天下刻石紀事額  
名御筆手詔今洪福寺前西壁有碑文漫漶不可讀

嵐縣

秀容城西三十里卽漢汾陽北魏封爾朱羽健於北秀容  
川環其所居割地三百里卽此今城址存方十里八景  
中有秀容古堞

樓煩故郡隋志大業四年置治嵐城

故東會州舊唐志武德四年平劉武周置六年廢

宜芳故縣今爲里唐置東會州尋改嵐州天寶初改樓煩  
郡乾元初復爲嵐州治宜芳縣唐志宜芳本嵐城武德

三年更名

豐潤故縣唐志武德四年置五年省入宜芳



合會故縣武德四年置六年省入宜芳

飛鷲堡西北六十里乏馬嶺下宋熙寧中建址存

高光堡宋提刑張天覺知嵐州王景仁元嵐州判官劉源

胥有詩

飲馬池北六十里黑嶮山中相傳尉遲敬德夢神語子無

良馬何不遲注池中取之異日往過見一馬飲池跨騎而去

飛鷲堡宋地理志嵐州有飛堡通志誤載入興縣

銅洞北十里銅爛溝中相傳取石洞中煎之成銅今名銅

家塌灘

元創建宣聖廟碑至大元年九月吉日前奉御王居實撰

文

太原府志 卷二十三 古蹟 三五

元重修靈淵侯廟碑在大萬山至正二十八年嵐州鎮禦

奉訓大夫同簽將作院事兼達魯花赤伯不花大中大

夫同簽河南樞密院事兼知州趙中樹碑嵐州學正王

安良撰文

興縣

蔚汾故縣隋志後齊置蔚汾縣大業四年改名臨泉

合河故縣西北六十里通考唐貞觀中置以蔚汾二水西

與黃河合故名廢址存唐志本臨泉縣武德三年曰臨

津貞觀元年更名合河

太和故縣唐志隸北和州武德九年省入合河貞觀三年

復置八年復省

高王寨東三十里大寨山上舊傳高歡築